



STATEN VAN ARUBA
Ingek: 10 FEB 2023
Volgnr: 75/480/22-23

Presidente di Parlamento Aruba
sr. mr. E.G.A. Vrolijk
L.G. Smith Blvd. 72
Aruba

Oranjestad, 10 februari 2023

Apreciado sr. Presidente,

Pa medio di e carta aki suscrito kier a pidi sr. Presidente dirigi e siguiente x8 preguntanan pa Minister di Asunto Economico, Comunicacion y Desaroyo Sostenibel, sr. Geoffrey Wever. Suscrito ta desea di haya contesta por escrito riba su preguntanan. Gradiciendo di antemano pa su amabel cooperacion, suscrito ta keda,

Atentamente,

Miguel J. Mansur
Lider di Fraccion ACCION 21



Preguntanan por escrito di miembro di Parlamento, sr. Miguel J. Mansur, na Minister di Asunto Economico, Comunicacion y Desaroyo Sostenibel, sr. Geoffrey Wever, conforme articulo III.17 di Staatsregeling y conforme artikel 59 di Reglement van Orde van de Staten van Aruba.

Nos fraccion ta compronde cu e doorlichting di Post Aruba (postkantoor) relaciona cu Landspakket ta completo.

1. Minister por a comparti e doorlichting cu Parlamento?

Minister nos ta compronde cu Telearuba actualmente ta un subsidiario di Setar.

2. Minister por comparti cu Parlamento si Telearuba tin 'financial statements' separa di Setar?
3. Si e contesta na pregunta 2 ta afirmativo, Minister por comparti dicho documentonan cu Parlamento?
4. Si e contesta na pregunta 2 ta negativo, Minister por comparti cu Parlamento ki documentonan di administracion financiero di Telearuba ta existi y Minister por comparti dicho documentonan cu Parlamento?

Nos fraccion a tuma nota di e gastonan excesivo di e fiesta di fin di aña di AZV. E instancia a gasta cerca di AWG 50.000,- (incluyendo banda) riba un fiesta na Renaissance Island cu placa di asegurado. Nos a tuma nota cu WEB a cancela su fiesta di fin di aña na Ritz-Carlton pero e hecho cu ela wordo planea mes na momento cu prijsnan ta halto pa cliente y reservanan ta na suelo ta preocupante. Te cu awor gastonan di fiesta di fin di aña di sector publico y semi-publico no ta regula y mirando e excesonan nos tin e siguiente preguntanan.

5. Minister por comparti e gastonan completo di tur fiesta di fin di aña pa su Ministerio, departamentonan, instancianan y cualkier otro entidad cu ta cay bao Minister su responsabilidad pa separa incluyendo p.e. Setar?
6. Minister ta kere cu ta importante pa gobierno regula e fiestanan di fin di aña door di establece un suma maximo pa cabes cu por ser gasta?
7. Minister lo duna su apoyo na un iniciativa pa limita exceso y/of abuso den organisacion di fiestanan di fin di aña di sector publico y semi-publico?



8. Finalmente nos fraccion lo aprecia si Minister por a comparti su CV cu Parlamento detayando su historia profesional di ultimo 20 aña incluyendo fechanan na cual Minister a cambia di trabao, bufete y/of funcion?

Oranjestad, 10 februari 2023

Miguel J. Mansur
Lider di Fraccion ACCION 21